



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1709. usque ad annum 1714

Fleury, Claude

August. Vind. [u.a.], 1782

VD18 90119266

§. 70. Carolus III. Hispaniæ Rex in Imperatorem Romanum electus.

[urn:nbn:de:hbz:466:1-67615](https://nbn-resolving.org/urn:nbn:de:hbz:466:1-67615)

§. LXX.

Sæc. XVIII.
A. C. 1711.*Carolus VI. Hispaniæ Rex in Imperatorem Rom. electus.*

Enimvero Albanus Papæ Nepos utrumque Electorem ad suffragium admittere omni conatu adlaborabat, cum vero ambo Electores proscripti adhuc in hostium potestate, castrisque degerent, nemo quisquam eorum contestationibus deferendum censuit; Convenientibus ergo ceteris Imperii Electoribus leves de electionis termino, necnon de certa & perpetua ut vocant, *Capitulatione* contentiones agitabantur: magis etiam periculosas electioni moras iniecere Galli, qui Villario Ductore cum valido agmine e Flandria ad Rhenum jam Mense Junio contenderunt, electionem, quam ratione nequiverant, armorum metu interturbaturi: Verum Eugenii Principis solertia hæc Gallorum molimina fregit; ipse enim exeunte Mense Julio cum militum robore Philippoburgi Rhenum transgressus, secundum Spiram amnem tetendit, Gallosque tam arcte inter Lauterenses aggeres continuit, ut hi viribus licet superiores, Principis virtutem laceffere non auderent: Insuper brevis altercatio vix non in mutuam animorum contentionem

*Epist. Clem.
pag. 1586.*

Sæc. XVIII tionem exardescibat; Annibal enim
 A. C. 1711. Albanus Papæ Legatus pro imagina-
 rio, ut creditum, honoris merito pri-
 mos ubique honores, dextrumque la-
 tus sibi deferri, & S. R. Imperii Ele-
 ctiores loco ac honore præcedere am-
 biebat, his vero cedere recusantibus
 mutua altercatio enata est, Legatus
 tamen intercessione interim opposita
 querulas desuper literas ad Papam de-
 dit, qui etiam auctoritatem Apostoli-
 cam vilipendi ratus, die prima Se-
 ptembris ad Moguntinum & Treviren-
 sem Electores hæc perscripsit: „Ma-
 „gnopere pro rei gravitate commoti
 „sumus, ubi non ita pridem accipi-
 „mus Fraternitatem tuam, amplissime
 „dignitatis, quam sanctæ hujus Sedis
 „beneficio in Ecclesia Dei obtinet, ob-
 „litam, ac solemnis juramenti, quod
 „in suscipiendo Consecrationis munere
 „palam emisit, de Legatis ejusdem
 „sanctæ Sedis honorifice tractandis
 „prorsus immemorem, Dilecto Filio
 „Annibali Albano Nostro secundum
 „carnem Nepoti, cui nostri & prædictæ
 „Sedis Nuntii munus commisimus, eas
 „debiti honoris significationes, quas
 „Prædecessores tui Apostolicis istarum
 „Partium Nuntiis exhibere alias com-
 „sueverunt, tribuere abnuisse. Et
 „vero Nos minime lateat, quid abs-
 „que

„que ulla cunctatione gerendum No- Sæc. XVIII.
 „bis esset, ut illatam eidem Nuntio A. C. 1711.
 „nostro, adeoque Nobis ipsis, & Apo-
 „stolicæ Sedi tam insignem injuriam
 „propulsaremus, nihilominus, ne ad
 „eam persequendam, propterea quod
 „Nepoti nostro irrogata fuerit, ab hu-
 „manis carnis, & sanguinis rationibus
 „potius, quam a debito, quo obstrin-
 „gimur, tuendi Pontificiam dignita-
 „tem, ac prædictæ Sedis honorem, in-
 „citari videremur, hoc sane nomine
 „mitius, atque benignius Tecum age-
 „re, tuæque resipiscentiæ locum præ-
 „bere constituimus. Itaque Fraternali-
 „tatem tuam paterne hortamur, Tibi
 „que Apostolica auctoritate mandamus,
 „ut quacunque sublata mora eas hono-
 „ris significationes, quæ a Prædecesso-
 „ribus tuis tributas fuisse constat Apo-
 „stolicis Nuntiis, præsertim vero bonæ
 „memoriæ Josepho tum Archiepiscopo
 „Cusentino, quem fel. rec. Alexander
 „VII. Prædecessor noster ad Electora-
 „lem Conventum, ubi clar. mem. Leo-
 „poldus in Regem Romanorum futu-
 „rum Imperatorem electus fuit, able-
 „gaverat, eidem Annibali Nepoti no-
 „stro omnino deferas, ac exhibeas.
 „Quodsi secus egeris, scire te volu-
 „mus, Nos, etsi invites, incunctanter
 „ad ea progressuros esse, quæ a S. Ca-
 „noni-

Sæc. XVIII

A. C. 1711

„nonibus in ejusmodi casibus constituta
 „sunt adversus eos, qui ab officio dis-
 „cedentes, reverentiam ac obedi-
 „tiam huic S. Sedi debitam præstare
 „detrectant. Verum meliora prorsus
 „de filiali tua in Nos, & eandem Se-
 „dem observantia Nobis pollicemur &c.

Pariter incassum Nuntius Apostoli-
 cus contra Regium Borussi titulum,
 & Hannoverani Electoratum recla-
 mabat, cunctaque hanc in rem in Im-
 perio Romano acta velut irrita haberi
 obtendebat: Tandem vero rebus om-
 nibus compositis Carolus VI. summa
 omnium consensione die duodecima
 Octobris Romanorum Rex Francofor-
 diæ creatur, moxque Carolus Comes
 Palatinus Tyrolensis Gubernator, &
 Josephus Sultzbacensis Princeps ab Ele-
 ctorum Collegio selecti, atque ad Ca-
 rolum Regem ablegati, die trigesima
 Octobris eidem electionis diploma Me-
 diolani obtulerunt, inde vero Rex
 Oeniponto, recepto a Tyrolensibus ho-
 magio, Francofordiam decima nona
 Decembris die venit, ibidemque die
 vigesima secunda Decembris Romano-
 rum Imperator inauguratus est, gratu-
 latoriis a Papa literis die decima nona
 Decembris salutatus: Peracta hac so-
 lemnitate Carolus Imperator die un-
 decima Januarii Francofordia discedens,
 die

die vigesima sexta ejusdem Mensis sine Sæc. XVIII.
 singulari tamen pompa Viennam ingressus est. A. C. 1711.

§. LXXI.

Continuatio belli Episcopalis in Gallis.

Privata dissensio, quæ inter Noailium
 Cardinalem & Rupellensem ac Lu- *Dorsanne*
 cionensem Episcopos ob eorum Instru- *Journ. t. I.*
 ctionem Pastoralem enata est, com- *pag. 7.*
 mune inter Franciæ Episcopos bellum *Lafiteau*
 accenderat, Marsque Ecclesiasticus, *Hist. de la*
 unde minime debuisset, exardescere *Const. t. I.*
 videbatur. Scindebantur Præsules in *pag. 108.*
 duas factiones, quarum quælibet sese
 Patronorum numero & potentia fir-
 mare certabat: quælibet pro tessera
 habebat fidei integritatem, & Augusti-
 nianæ doctrinæ honorem, & quod mirum
 est, utraq; sese contra Jansenium arma-
 re, credi voluit, alia tamen aliam velut
 Jansenii stipendia merentem certatim
 criminabatur: Cardinalis Noailii Pari-
 siensis Archiepiscopi partes tuebantur
 Forojulienensis, Viennensis, Cenoma-
 nensis, Sistericensis & Genlisus Embro-
 dunensis Episcopi, quorum quidam Pa-
 storalem Vapicensis Episcopi epistolam
 in suis Diæcesibus legi aut retineri pro-
 hibuerunt. E contrario favebant op-
Hist. Eccles. Tom. LXVIII. U po-